



TOSHKENT DAVLAT YURIDIK UNIVERSITETI REKTORINING B U Y R U G ' I

21.11.2023

699-tm-son

Talabaga hayfsan e'lon qilish to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi va boshqa ichki hujjatlarini buzish holatlari kuzatilmoqda.

Jumladan, Xalqaro huquq va qiyosiy huquqshunoslik fakulteti 3-kurs talabasi Yoqubov Navro'zbek G'ayrat o'g'li 2023-yilning 6-may kuni soat taxminan 12:30larda TDYU 2-sonli talabalar turar joyida talaba M.Oltiboyevga tegishli bo'lgan telefon apparatini yashirin ravishda o'g'irlik yo'li bilan qo'lga kiritib, voqea joyidan yashiringanligi aniqlangan.

Sudda so'roq qilingan talaba N.Yoqubov aybiga to'liq iqrorligini bildirib, 2023-yilning 6-may kuni TDYU 2-sonli Talabalar turar joyida talaba M.Oltiboyevga tegishli bo'lgan telefon apparatini yashirin ravishda o'g'irlaganligini, qilmishidan pushaymon ekanligini hamda talaba bilan yarashganligini ma'lum qilib, suddan ishni harakatdan to'xtatishni so'ragan.

2023-yilning 22-iyunida Toshkent shahar jinoyat ishlari bo'yicha Olmazor tuman sudining ajrimi bilan jinoyat ishi taraflarning yarashganligi munosabati bilan, ayblilik haqidagi masala hal qilinmasdan turib tugatilgan.

Talaba mazkur harakatlari bilan universitet Odob-axloq kodeksi 17-moddasining ikkinchi xatboshisi (talaba har qanday huquqbuzarlik yoki jinoyat sodir etishi qat'iyani taqiqlanishi), 26-moddasining tegishli qismlari (talaba Universitet obro'-e'tibori va nufuziga dog' tushiradigan har qanday harakatlarni sodir etishdan o'zini tiyishga; Universitet ishchanlik obro'si yoki nufuziga putur yetkazadigan nizoli vaziyatlarga yo'l qo'ymaslikka) talablarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-band, Toshkent davlat yuridik universiteti Odob-axloq kodeksining 17-moddasining ikkinchi xatboshisi, 26-moddasining tegishli qismlari hamda universitetning Ichki tartib qoidalari (ichki mehnat tartibi qoidalari) 83-bandiga asosan

BUYURAMAN:

1.Toshkent davlat yuridik universiteti Odob-axloq kodeksining 17-moddasining ikkinchi xatboshisi va 26-moddasining tegishli qismlari talablarini buzganligi uchun Xalqaro huquq va qiyosiy huquqshunoslik fakulteti 3-kurs talabasi Yoqubov Navro'zbek G'ayrat o'g'liga hayfsan e'lon qilinsin.

2.Fakultet dekanlari (D.Umarxanova, D.Kamalova, B.Musayev, Sh.Saydullayev, A.Babadjanov) mazkur buyruq mazmun-mohiyatini talabalar e'tiboriga yetkazilishi va keng muhokama qilinishini ta'minlasin.

3.Xalqaro huquq va qiyosiy huquqshunoslik fakulteti dekani (D.Umarxanova):

mazkur talabaning shaxsiy hujjatlar yig'majildiga buyruq nusxasi tikilishini ta'minlasin;

mazkur holat takror sodir etilsa, talabani talabalar safidan chetlashtirish mumkinligi to'g'risida ogohlantirsin.

4.Mazkur buyruq bajarilishini nazorat qilish prorektor A.Xashimhonov zimmasiga yuklansin.

**Yoshlar masalalari va
ma'naviy-ma'rifiy ishlar
bo'yicha birinchi prorektor**



A.XASHIMHONOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA

**Kelishildi:**

Boshqarma boshlig'i

S.BOZAROV



Direktor

SH.PO'LOTOV



Katta yuriskonsult

A.TURSUNOV

